

‘ A LUCE

*Ma sta luce è no morì!
vene e va e mai non luce.
A pagà pagamo, sì, e sta
kuce s’arriduce,*

*s’arriduce na schifia, aza e
cala a l’improvviso: sia
pe ‘a casa, sia pe ‘a via, à
lascià tutto sospiso.*

*Quanno ‘a luce se ne va à
restà come te truovi:
assetato rinto là o
mpalato. Addò te muovi?*

*E mannaggia ‘a civiltà! Se
te truovi ncometiva tu ti
sienti pizzolà, afferranno ‘a
carne viva.*

*Fanno nguacchi co ‘a
pazzia pe la luce che non
c’è, rinto ‘a casa o
mmiezzo ‘a via, nnanzi, e
dinto ‘a lo cafè.*

*Non può legge, non può
cose, non può fa na
iocatella, e per farti certe
cose t’appiccià na
lamparella:*

*(lumarolo o scistarulo, ‘a
cannela, ‘o lampariello) à
restà come cetrulo pe volè
de Cucciniello.*

*Pei casali, addirittura, non
ce sta lettricità: so trappini*

*pe natura e senz’essa
àanna scavà-*

*Ma venesse ‘a luce
atomica, ce venesse a
illuminà, ce levasse sta
scommoneca, che
all’oscuro ce fa stà!*

L ‘ ACQUA

*Sei fontane e cingo puzzi,
stanno ncoppa a Mon
Falcione, ma li puzzi
songo muzzi, le fontane
de cartone.*

*Mo se scassa ‘o rubinetto,
mo se sponza no
cannuolo, mo se spezza ‘o
parapetto, mo se sfonna ‘o
cazza ruolo.*

*Co li puzzi sotterrati, li
cannuoli sempre chiusi,
qua morimo d’assetati,
qua morimo da schifusi.*

*Se preparano le secchie, se
preparano ‘e tielle, se
preparano ‘e varrecchie,
se preparano ‘e copelle.*

*Sfiatacchieia lo pertuso –
L’acqua vene!! – Ma addò
è?? –L’àmmo apierto! –
l’anno chiuso!
Vavattene, Ntoniè! –*

*E s’afferrano le secchie e
s’afferrano ‘e copelle e
afferrano ‘e varrecchie e
s’afferrano ‘e tielle.*

- *S’è schiattato ‘o
tubo gruosso
ncoppa ‘a vasca! –
A Santo Marco s’è
crepato int’a no
fuosso! – S’è
franato int’a no
varco! –*

- *Fongo spiso ‘o
milione! Nati due ce
ne stanno. – Ce
volesse lo
cannone, ce
volesse lo
malanno! –*

- *Iamoncinni
Mariantò,
ioammoncinni a la
profico! – Fangi
grazia Sant ‘ Antò,
fa che scatta lo
Nemico! –*

*Pei casali, addirittura, non
ce sta st’acqua corrente:
làso ruospi pe natura veve
ponno acqua fetente.*

*Ah, mannaggia ‘a civiltà!
Ma vulimo l’acque noste?
”E vulimo fa menà?
Riunimo ‘e mano toste!*

‘ O CAMPOSANTO

Quanno passi pe ‘o Comone e tu viri ‘o Camposanto co no muro sgarrupone, ma, tu piensi, non è santo:

è no campo abbandonato, puro ‘o cane pote entrà, po piglià n’uosso sporpato e s’o pote rosecà. Ah, che pena int’a sto core quanno penzo ai muorti mie; che se vèreno da fore come fosse mmiezz’a vie!

‘O canciello arruzzinuto poco tene rinto i ntagli; no pescone là caruto t’è formato ‘o scinne e sagli.

Saglie e scenne pe li muri la capretta e lo puorciello: chi te spezza tutti i sciuri, chi te scava ‘o morticiello.

Accussi sto Camposanto resta sempre trascurato: na cappella into a no canto e n’ossario scassinato,

quattro tombe de signuri na decina de cipressi tutte cruci pochi sciuri, tutti quanto manomessi.

Le stradette tutt’auscio e no salice piangente, che se cala muscio muscio, te rattristano la gente.

Quisto qua lo Camposanto d’o paese abbandonato, quisto qua lo luogo Santo, tutto quanto sconquassato. ‘O volevano spostà, pecchè

troppo into ‘o paese. ‘O volevano allargà e levà ste mura appese.

E so ghiuti in Capitale a piglià lo milione, ma sto Campo è tale e quale co sti soldi int’o cascione.

E de sera, senza ‘e luci, ‘o trasciuolo allucca e sbatte, s’allamenta, mmiezzo ‘e cruci, a civetta, come ‘e gatte.

Tu ti senti sospirà tutte l’anime scordate, che te cercano pietà, che vann’esse rispettate.

Ncopp’o muro sgarrupone, una senti d’alluccà con a sciorta de vocione che te dice: “M’acconzà!,,

‘ O MONUMENTO

Preparato mmiezz’a chiazza, n’angilotto varda nterra: porta ‘e cozze che int’e brazza pe li muorti nuosti in guerra.

Se solleva ncopp’a base vasca, vasca, squaquarata, con a vesta che le trase, addèreto arravogliata.

Tene i pietti apparecchiati, certe scelle grosse, grosse. Co li pieri mpizzicati pe zombà te fa le mosse,

ma non zomba. Resta là l’angilotto, fatto’e marmo: sempre nterra adda vardà; non se scosta de no parmo.

‘E FESTE

Pe li Santi ‘e Maronnelle sempre feste a sto paese: qua le fanno troppo belle, te le viri in ogni mese.

Viri quera ‘e Sant’Antonio, viri quera ‘e San Ciàno viri quera ‘e San Petronio viri quera ‘e San Traiàno.

Dopo a festa ‘e Pifania, tutti dicono d’accordo: “Ogni Santo piglia a via,,. Ma da nui pe’ ricordo

Non se parteno giammai. Tutti quanti stanno qua e se festa non le fai non te ponno aggrazià.

Ste campane ànna sonà ra matina fino a sera: tutta a gente anna scetà, quann’è festa, pe a preghiera.

E prèammo veramente e prèammo ‘o Pataterno e prèammo fermamente ce levasse da st’inferno.

Ma però si nui penzamo sulo a Santi e suloa feste, addò stamo là restamo, senza scarpe e senza veste.

Arsenio Baldassarre